

Հավելված
Հայաստանի Հանրապետության կրթության
և գիտության նախարարի
2007 թ. հուլիսի 06 թիվ 629-Ն հրամանի

Կ Ա Ն Ո Ն Ն Ե Ր

Հ Ա Յ Ա Ս Տ Ա Ն Ի Հ Ա Ն Ի Կ Ե Տ Ո Ւ Թ Յ Ա Ն Ո Ւ Ս Ո Ւ Մ Ն Ա Կ Ա Ն Հ Ա Ս Տ Ա Տ Ո Ւ Թ Յ Ո Ւ Ն Ն Ե Ր Ո Ւ Մ Օ Տ Ա Ր Ե Ր Կ Բ Ա Ց Ի Ն Ե Ր Ի Ը Ն Դ Ո Ւ Ն Ե Լ Ո Ւ Թ Յ Ա Ն

Սույն կանոններն ընդունվում են «Կրթության մասին», «Բարձրագույն և հետբուհական մասնագիտական կրթության մասին», «Նախնական մասնագիտական (արհեստագործական) և միջին մասնագիտական կրթության մասին», «Օտարերկրացիների մասին» Հայաստանի Հանրապետության օրենքներին համապատասխան ու նպատակ ունեն կարգավորելու օտարերկրացիների Հայաստանի Հանրապետության ուսումնական հաստատություններ և գիտահետազոտական հիմնարկներ ընդունվելու պայմանները:

1. Հայաստանի Հանրապետության միջին և նախնական մասնագիտական, բարձրագույն ուսումնական հաստատություններ ու գիտահետազոտական հիմնարկներ դիմած օտարերկրացիների փաստաթղթերի ուսումնասիրությունը, փորձաքննությունը և հաշվառումն իրականացվում է Հայաստանի Հանրապետության կրթության և գիտության նախարարության /այսուհետ՝ նախարարություն/ կողմից, որից՝ հետո փաստաթղթերն ուղեգիր-նամակով ուղարկվում են համապատասխան ուսումնական հաստատություններ՝ դիմորդների գիտելիքների ստուգումը և ընդունելությունը կազմակերպելու համար:

2. Նպաստի ձևով ուսման վարձի փոխհատուցմամբ տրված կրթաթոշակային տեղերի համար դիմած օտարերկրացիների ընտրությունը կատարվում է.

1) Հայաստանի Հանրապետության և օտարերկրյա պետությունների միջև կնքված կրթական և գիտական համագործակցության մասին Հայաստանի Հանրապետության միջազգային պայմանագրերի հիման վրա,

2) Հայաստանի Հանրապետության կառավարության կողմից սփյուռքահայ քաղաքացիներին հատկացվող ուսման վարձի փոխհատուցմամբ տրված կրթաթոշակային տեղերի հիման վրա:

3. Նախարարությունն իրականացնում է օտարերկրացի դիմորդների դիվանագիտական ավիաներով և փոստով ստացված փաստաթղթերի ընդունումը և դրանց ուսումնասիրությունից մասնաշաղկապում է համապատասխան ուսումնական հաստատություններ:

4. Հայաստանի Հանրապետությունում միջնակարգ կրթություն ստացած և Հայաստանում բնակվող օտարերկրացիները Հայաստանի Հանրապետության միջին և նախնական մասնագիտական, բարձրագույն ուսումնական հաստատություններ ու գիտահետազոտական կենտրոններ կարող են ընդունվել ընդհանուր հիմունքներով:

5. Օտարերկրացիները, որոնք ցանկանում են սովորել Հայաստանի Հանրապետությունում, պետք է նախարարություն կամ տվյալ երկրում գտնվող Հայաստանի Հանրապետության դեսպանություն ներկայացնեն հետևյալ փաստաթղթերը.

✓ 1) Հարցաթերթիկ /սահմանված ձևը կցվում է/:

2) Դիմում՝ հասցեագրված Հայաստանի Հանրապետության կրթության և գիտության նախարարին, որի մեջ պետք է նշվի ընտրված մասնագիտությունը և ուսումնական հաստատությունը:

3) Ինքնակենսագրություն:

4) Համապատասխան կրթության վկայականի պատճենը, նշելով ուսումնասիրված առարկաները և հանձնված պետական քննությունների գնահատականները /նիշերը/:

5) Բժշկական եզրակացություն ընդհանուր առողջական վիճակի վերաբերյալ: Սույն տեղեկանքը կարող է տրված լինել նաև Հայաստանի Հանրապետության բժշկական կազմակերպությունների կողմից:

6) Անձնագրի կամ ծննդյան վկայականի բոլոր էջերի պատճենները:

7) 3 x 4 սմ չափսի 4 լուսանկար:

8) Ասպիրանտուրա ընդունվել ցանկացողները լրացուցիչ ներկայացնում են ռեֆերատ կամ հրատարակված աշխատությունների պաշտոնապես հաստատված ցանկը, նշելով հրատարակման թիվը և վայրը, 2-3 հրատարակումների պատճենները:

9) Փաստաթղթերը /5-րդ կետի 4-րդ և 6-րդ ենթակետերով նախատեսված փաստաթղթերը/ ընդունվում են քննարկման միայն հյուպատոսական վավերացման ամկայության դեպքում, եթե այլ բան նախատեսված չէ Հայաստանի Հանրապետության օրենքներով կամ միջազգային պայմանագրերով, որոնց մասնակից են Հայաստանի Հանրապետությունը և տվյալ պետությունը:

6. Այն երկրներում, որտեղ չեն գործում Հայաստանի Հանրապետության դեսպանություններ կամ ներկայացուցչություններ սույն կանոնների 5-րդ կետով պահանջվող փաստաթղթերը կարող են ներկայացվել նախարարություն անձամբ կամ դիմորդի

վայացուցչի միջոցով Հայաստանի Հանրապետության արտաքին գործերի
մարտաբաժնի կողմից վավերացվելուց հետո:

7. Ներկայացված դիմումը կարող է մերժվել, եթե 5-րդ կետում նշված փաստաթղթերից
մեկը պատշաճ կերպով չի ներկայացվել կամ փաստաթղթերը սահմանված ժամկետում
են սմբողջացվել:

8. Փաստաթղթերը և ռեֆերատները ներկայացվում են հայերեն, ռուսերեն կամ անգլերեն
լեզուներով:

9. Նախապատրաստական քաժնում ընդունելությունը կատարվում է տվյալ տարվա
հուլիսի առաջին տասնօրյակից մինչև նոյեմբերի առաջին տասնօրյակն ընկած
ժամանակահատվածում, իսկ բուհական և հետբուհական մասնագիտական կրթության
համար /առկա ուսուցում/ հուլիսի առաջին տասնօրյակից մինչև օգոստոսի վերջին
տասնօրյակն ընկած ժամանակահատվածում:

10. Օտարերկրացիները /բացի ասպիրանտներից և հայցորդներից/, որոնք չեն
տիրապետում հայերեն, կամ ռուսերեն կամ անգլերեն լեզուներին ընդունվում են
բարձրագույն ուսումնական հաստատությունների նախապատրաստական ֆակուլտետներ
/բաժիններ/ մեկ տարի ժամկետով:

11. Նախապատրաստական ֆակուլտետում /քաժնում/ օտարերկրացիներն
ուսումնասիրում են հայոց և այլ լեզուներ՝ հաշվի առնելով հետագա ուսուցման լեզուն և
ընտրած մասնագիտությանը համապատասխան հանրակրթական առարկաները
/մաթեմատիկա, ֆիզիկա, քիմիա, կենսաբանություն, գծագրություն, աշխարհագրություն,
պատմություն և այլն/:

12. Նախապատրաստական ֆակուլտետում ուսանելու ընթացքում օտարերկրացիները
ծանոթանում են Հայաստանի Հանրապետության օրենսդրությանը:

13. Նպաստի ձևով ուսման վարձի փոխհատուցմամբ /կրթաթոշակային տեղեր/ կամ
միջպետական պայմանագրերի շրջանակներում սովորող օտարերկրացիները ապահովվում
են կրթաթոշակներով՝ Հայաստանի Հանրապետության քաղաքացի հանդիսացող
սովորողների համար նախատեսված չափով: